

Službeni glasnik BiH, broj 32/01

Na osnovu člana IV. 4. Ustava Bosne i Hercegovine Parlamentarna skupština Bosne i Hercegovine na sjednici Predstavničkog doma održanoj 30. novembra 2001. godine i Sjednici Doma naroda održanoj 24. decembra 2001. godine, usvojila je

ZAKON

O IZMJENAMA I DOPUNAMA ZAKONA O IZVRŠENJU BUDŽETA INSTITUCIJA BOSNE I HERCEGOVINE I MEĐUNARODNIH OBAVEZA BOSNE I HERCEGOVINE ZA 2001. GODINU

Član 1.

U članu 3. stav 1. mijenja se i glasi:

"Institucije Bosne i Hercegovine koje imaju status korisnika Budžeta utvrđuju se u Izmjenama i dopunama Budžeta institucija Bosne i Hercegovine i međunarodnih obaveza Bosne i Hercegovine za 2001. godinu".

Stav 3. mijenja se i glasi:

"Za ostale institucije čije je osnivanje u toku ili će se osnovati do kraja 2001. godine rezervišu se sredstva na poziciji "Budžetska rezerva" u Izmjenama i dopunama Budžeta institucija Bosne i Hercegovine i međunarodnih obaveza Bosne i Hercegovine za 2001. godinu".

Dodaje se novi stav 4., koji glasi:

"Shodno Odluci o uspostavljanju Registra budžetskih korisnika ("Službeni glasnik BiH", broj 25/01) svi budžetski korisnici su obavezni da u roku od 30 dana od dana stupanja na snagu ovog zakona provedu postupak registriranja u knjige registra budžetskih korisnika".

U Zakonu o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2001. godinu ("Službeni glasnik BiH", broj 9/01) vrše se izmjene i dopune:

Član 2.

Član 4. mijenja se i glasi:

"Prihodi Budžeta su:

a) neporezni prihodi (takse i naknade);

- b) tekuće potpore u novčanom obliku;
- c) prihodi iz budžeta entiteta;
- d) vanredni prihodi;
- e) tekuće potpore u nenovčanom obliku".

Član 3.

Član 5. mijenja se i glasi:

"Rashodi Budžeta su:

- a) tekući izdaci;
- b) tekući grantovi;
- c) kapitalni izdaci;
- d) posebne namjene;
- e) rezervisanja".

Član 4.

Član 7. mijenja se i glasi:

"Ministarstvo za trezor institucija Bosne i Hercegovine (u daljem tekstu: Ministarstvo za trezor) vrši prenos sredstava za izmirenje Budžeta isključivo na osnovu zahtjeva za prenos sredstava, koji mora biti dokumentovan i potpisan od rukovodioca korisnika budžeta, odnosno lica koje je pismeno ovlašten za podnošenje zahtjeva za prenos sredstava.

Dokumentima iz prethodnog stava smatraju se:

- obračunske liste plaća i naknada;
- račun za nabavku sredstava, roba i usluga;
- odluke i rješenja nadležnih organa iz kojih proističu finansijske obaveze;
- ugovori i
- ostali finansijski dokumenti.

Izuzetno, prenos sredstava za funkcionisanje DKP mreže vrši se na osnovu zahtjeva za akontativi

prenos sredstava, uz obavezu naknadnog dokumentovanja prenosa sredstava Ministarstvu za trezor".

Iza člana 7 dodaje se član 7.a. koji glasi:

"Zahtjevi za prenos sredstava ispostavljaju se odvojeno za:

tekuće izdatke;

grantove pojedincima i neprofitnim organizacijama;

kapitalne izdatke;

programe posebnih namjena.

Budžetski korisnici su dužni u svojim knjigama provesti knjigovodstvena evidentiranja razdvojeno po navedenoj strukturi".

Iza člana 7a dodaje se član 7.b. koji glasi:

"Budžetski korisnici shodno resornim nadležnostima mogu posebnim aktom inicirati prenos sredstava putem direktnih transfera sa JRT povjericima za:

članstvo u međunarodnim organizacijama (kontribucije);

izmirenje ranijih obaveza stvorenih do 31.12. 2000.god., a za koje je provedena procedura osnovanosti i opravdanosti putem revizije ovlaštenog organa".

Član 5.

Član 10. mijenja se i glasi:

"Svi korisnici Budžeta dužni su na osnovu usvojenog Budžeta sačiniti vlastite analitičke i dinamičke planove izvršenje Budžeta.

Na osnovu dinamičkih planova korisnika Budžeta sačinit će se konsolidovani dinamički plan Budžeta institucija BiH i međunarodnih obaveza Bosne i Hercegovine".

Član 6.

Član 11. mijenja se i glasi:

"Korisnici Budžeta mogu inicirati promjenu namjenske strukture u okviru odobrenih sredstava iz Budžeta.

O promjeni strukture sredstva odlučuje Vijeće ministara, a na osnovu mišljenja Ministarstva za trezor".

Član 7.

U članu 12. stav 1. mijenja se i glasi:

"U okviru Budžeta planirana su sredstva tekuće rezerve u iznosu od 1.290.258,70 KM".

Iza stava 2. dodaju se novi st. 3. i 4. koji glase:

"Iz sredstava rezervi, a na osnovu posebne odluke Vijeća ministara, dodjeljuju se grantovi pojedincima i neprofitnim organizacijama.

Na Jedinstvenom računu Trezora za interventne mjere mora biti stalno obezbijedeno najmanje 10% iznosa planiranih sredstava iz stava 1. ovog člana".

Član 8.

U članu 16. u stavu 1. iza riječi "ponuđača" tačka se zamjenjuje zarezom i dodaju riječi: "a prema procedurama o postupku nabavke roba i usluga za potrebe institucija Bosne i Hercegovine koje utvrđuje Vijeće ministara posebnim aktom".

Stav 2. briše se.

Član 9.

Član 26. mijenja se i glasi:

"Svi korisnici Budžeta su obavezni uspostaviti punu ažurnost svojih knjigovodstava i na osnovu knjigovodstvenih evidencija sačinjavati redovne kumulativne izvještaje o izvršenju Budžeta na kraju svakog mjeseca za prethodni kumulativni period u godini.

Ministarstvo za trezor zadržava pravo uskraćivanja prenosa sredstava za naredni period korisniku Budžeta, koji nije ažuran u podnošenju izvještaja iz prethodnog stava".

Član 10.

Ovaj zakon stupa na snagu danom objavljivanja u "Službenom glasniku BiH".

PS BiH broj 73/01
24. decembra 2001. godine
Sarajevo
Predsjedavajući
Doma naroda

Parlamentarne skupštine BiH
Sejfudin Tokić, s. r.

Predsjedavajući
Predstavničkog doma
Parlamentarne skupštine BiH
dr. **Željko Mirjanić**, s. r.